

'Het Binnenhuys' a presenta 'Elle' di Desiree Sportsklede

Obranan original lo por wordo mira henter luna

ORANJESTAD – Durante di fin di siman cu a pasa 'Het Binnenhuys' tabata orguyoso di presenta e obranan di Desiree Sportsklede un artista Hulandes local. Nan a wordo presenta den un esfera bunita di Pasco provee pa "Het binnenhuys" su propietario diseñador di interior Karin Maarsten kende a mantene tur hende entreteni mustrando su espectacular meublenan y decoracion pa paden. Biñanan eskisito a wordo sirbi y Karin su coleccion semper ta un placer pa mira. Hopi cliente a haya algo cu nan a gusta pa nan cas den e lugar cu espacioso suficiente pa haci compras, situa na Avenida Milio Croes na Dakota. Tabata na Hogeschool di Rotterdam den e programa di arte fini, na unda cu Desiree a cultiva su habilidadnan artistico. Eynan el a ricibi su bachelor degree den pintamento y escultura. Tambe el a ricibi entrenamiento den diseño grafico y mercadeo, incluyendo un workshop pa

duna les. Su orbanan a wordo expone den exposicionnan solo na Amsterdam y mayoria biaha a participa den exposicionnan den grupo na Aruba. Actualmente e ta forma parti di e exposicion 'Bra Art' na Ateliers '89 pa e Mary Joan Breast Cancer Support Foundation. Desiree ta haci uso di varios medio y estilo, acrilico, cu tela mayoria den colornan blou y bruin. Su obranan ta hala esun cu ta wak e den e pintura. Tin algo mistico tocante di Elle na unda cu Desiree ta presenta un hende muhe y deco chic abstracto. Experiencia e pa bo mes y goza di un decoracion di Pasco original, mueble y acesorianan na mes momento. Tin asina hopi cos pa wak! Si bo pasa wak e exposicion special, lo bo uni bo mes na e amantenan di Arte na Aruba y bo ta apoya e desaroyo di arte na Aruba. Boso tur tin e oportunidad pa wak y te ahsta cumpra Desiree su obranan como tambe di otro artistanan.

"Het Binnenhuys" ta habri diamars pa diasabra for di 10or di mainta pa 5or di atardi, e ta sera riba diadomingo y dialuna. Bo por yama pa un cita na 734 9166. Nan semper ta buscando un manera inovativo y creativo y manera nan espectacular pa presenta arte. Esnan interesa den e futuro eventonan por wak e website www.hetbinnenhuys.com.

